



Toe Aso Mulimuli o le Soifuaga – mālmalama i le mea ‘ua tupu

‘O se ta’iala mo le ‘āiga, ma le ‘autausisoifua o ē ‘olo’o māliliu i ‘āiga

‘O le malaga a le maliu ‘o se vaega tumau o lo tatou olaga ma e fa’apitoa i tagata ta’ito’atasi ‘uma. E sau mālie lava le maliu i le agaga filēmū, ma e iai suiga māsani e iloa ai ‘ua lalata mai le i’uga o lo tatou ola. ‘O le iloa o le mea ‘ole’ā tupu e fesoasoani ai ma fa’amāmā ‘avega ma fa’aitiitia ai le loto fa’apopolevale.

‘Ua lē ‘ai po’o ‘ua lē inu

‘O le māsani lava e matuā fa’aitiitia le fia’ai po’o se fiainu e lagona ma ‘ua sui fo’i aga a le tino i le seāseā toe mana’omia se suāvai. ‘Ave’i ai sina ipuvai e mitimiti mai ai, po’o sina fasi’aisa la’itiiti fo’i, ‘a’o maua le avanoa e mafai ai ona folo se mea.

Suiga o lagona (mālmalama)

‘A’o fa’asolo ina fa’aitiitia lona malosi, e va’āia le fiamoe ma ‘āmata ai loa ona lē toe iloa se mea.

Mānava

E suia fo’i itū’āiga mānava e fa’alogoina, ona e iai le taimi e la’itiiti lava le mānava e fa’alogoina pe ‘umi fo’i o fa’atali le isi mānava. I nisi o taimi, e fa’alogoina se manava pa’ō tau mole. E leai se mea e popole ai ona o le itū’āiga mānava māsani lea e fa’alogoina mai le tagata. Sui lana ta’oto atonu e maua ai se to’omaga.

Lē mafai ona Taofia le Fe’auvai/Fe’aumamao

‘O le lē toe mafai ona pulea le fai o le fe’aumamao ma le fe’auvai e mafai ona togafitia i le fa’aaogaina o napekini (pads); e iai se fa’agā’au e fa’aalu ai le fe’auvai e mafai ona fesoasoani ai fo’i.

Fa’ateteleina le fenunia’i ma le lē filēmū

E ono fa’ateteleina le lē filēmū pe fenunia’i fo’i lana talanoa ma e lē manino. Fa’ato’ato’a ma fa’afilēmū ‘iā te ia’i le ‘u’uina o lona lima ma talanoa fa’ato’ato’a ‘iā te ia. E aogā ni vai a le foma’i pe’afai e oso se tulaga fa’apopolevale.

Sui le lanu/vevela

E iai se taimi ‘e te lagonaina ai le mālūlū vaoa o ona vae ma ona lima ma pi’ipi’i fo’i, toe pulepule ma pa’auli le lanu. E lē popole ai ona e lē o ma’alili. ‘O fesuia’iga o le vevela ma le mālūlū, ‘o suiga e māsani ona tutupu.

E fa’apēfea ona ‘e iloa ‘ua maliu lē e pele iā te ‘oe?

- E lē toe fa’alogoina le mānava.
- ‘Ua lē toe tātā le fatu pe lagona le toto pamu.
- ‘Ua lē toe tali mai pe ā pa’i atu i ai, pe talanoa leo tele atu fo’i.
- ‘Ua tāmāu lana va’ai i se mea e tasi, ma ‘ua vātetele fo’i mea lapotopoto o mata ma ‘ua matala ona laumata.
- ‘Ua vaivai lona ‘auvae, ma ‘ua matala lona gutu.

‘O le ā se mea e fai pe āfai ‘ua ‘uma lona soifua?

- E leai se mea e fa’anatinati ai ni mea e fai/tapenaga. Fa’aaogā le avanoa lea lua te nofonofo filēmū ai ma ia mo sina taimi talafeagai.
- E aogā lou mātauina o le taimi na ‘uma ai lona soifua.
- ‘Atonu e lelei fo’i lou fa’ata’atia o ia i lona papātua ‘ae tu’u se ‘aluga māfolafola e ta’oto ai lona ulu.
- Fa’afeso’ota’i lau tagata tausisoifua. ‘Afai e tupu le maliu i le po, e leai se mea o iai pe’ā fa’atali se’i o’o i le taeao.
- Fa’afeso’ota’i le foma’i fa’ale’āiga a lē ‘ua maliu ‘ina ‘ia asiasi ane e fa’amaonia lona maliu, ma tusi sona pepa maliu.

‘Atonu e to’atele tagata e fia logoina ma e lelei ona fuafua le fa’afeso’ota’i o le ‘āiga ma uō e fesoasoani i le faiga o lenei tiute.

Fa’afeso’ota’i se fale maliu – mo fa’amatalaga e uiga i Fale Maliu asiasi ‘i le: www.fdanz.co.nz/fdanz-funeral-directors pe asiasi fo’i ‘i le ‘upegatafa’ilagi a le Department of Internal Affairs: www.endoflife.services.govt.nz mo nisi fa’amatalaga.